



Broj: 12-30-11116-7/21
Zenica: 05.11.2021. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine FBiH“, broj: 49/05), Pravilnika o unutrašnjoj organizaciji i sistematizaciji radnih mjesta u Kantonalnom zavodu za urbanizam i prostorno uređenje u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-34-27995/12 od 20.12.2012. godine i Odluke Komisije za davanje prethodne saglasnosti za popunjavanje upražnjenih radnih mjesta u kantonalnim organima uprave i ostalim organima/ustanovama koji se u cijelosti ili djelimično finansiraju iz Budžeta Zeničko-dobojskog kantona, broj: 02-30-11116-4/21 od 07.10.2021. godine, direktor Kantonalnog zavoda za urbanizam i prostorno uređenje r a s p i s u j e

JAVNI OGLAS
za popunu radnog mjesta namještenika
u Kantonalnom zavodu za urbanizam i prostorno uređenje

Kantonalni zavod za urbanizam i prostorno uređenje raspisuje Javni oglas za prijem namještenika na radno mjesto:

- „Viši referent za tehničke poslove, arhivu i bazu podataka“ – 1 (jedan) izvršilac na neodređeno vrijeme,

1. Opis poslova radnog mjesta „Viši referent za tehničke poslove, arhivu i bazu podataka“

- a) vrši arhiviranje planske dokumentacije u svim fazama izrade, i ostale prateće dokumentacije u postupku pripreme i izrade planskih dokumenata,
- b) prikuplja dokumentaciju za izradu planskih dokumenata,
- c) neposredno vrši unos grafičkih, tekstualnih i atributivnih podataka na računar,
- d) vrši snimanje terena za potrebe izrade planskih dokumenata,
- e) odgovoran je za poštivanje procedura utvrđenih ISO 9001:2008 standardima,
- f) vrši druge poslove koje mu odredi Šef Odjeljenja.

Uslovi

Pored općih uslova propisanih članom 24. Zakona o namještenicima u organima državne službe u Federaciji BiH (da je državljanin BiH; da je punoljetan; da ima opću zdravstvenu sposobnost za obavljanje poslova radnog mjesta; da ima vrstu i stepen školske spreme potrebnu za obavljanje radnog mjesta prema Pravilniku o unutrašnjoj organizaciji organa državne službe; da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivu vlasti u Federaciji, odnosno Bosni i Hercegovini; da nije obuhvaćen odredbom člana IX 1. Ustava Bosne i Hercegovine), kandidat treba ispunjavati i sljedeće posebne uslove i to;

- SSS, IV stepen stručne spreme, srednja tehnička škola svih struka, najmanje 10 mjeseci radnog staža, položen stručni upravni ispit i poznavanje rada na računar.

Status izvršioca: namještenik-viši referent

Stepen složenosti i vrsta djelatnosti: djelimično složeni dopunski poslovi osnovne djelatnosti, stručno-operativni i informaciono-dokumentacioni.

Propisi koji se koriste u vršenju poslova: Uredba o jedinstvenoj metodologiji za izradu planskih dokumenata, Uredba o uspostavi jedinstvenog informacionog sistema, Zakon o prostornom uređenju i Zakon o građenju.

Za svoj rad odgovoran je Šefu Odjeljenja.

Prijavljivanje na oglas

Uz obaveznu prijavu sa kraćom biografijom, potrebno je priložiti i dokumentaciju (original ili ovjerenu kopiju):

- Dokaz o stručnoj spremi, odnosno o vrsti i stepenu školske spreme (diploma o završenoj srednjoj školi),
- Dokaz o radnom stažu (potvrda ili uvjerenje trenutnog ili ranijeg poslodavca u kojoj treba da su navedeni osnovni podaci o poslovima na kojima je kandidat radio ili radi: naziv radnog mjesta, precizan period radnog angažovanja na tim poslovima, po mogućnosti i opis poslova),
- Uvjerenje o državljanstvu (ne starije od 3 mjeseca),
- Izvod iz matične knjige rođenih (ne starije od 3 mjeseca),
- Dokaz o poznavanju rada na računaru,
- Dokaz o položenom stručnom upravnom ispitu,
- Izjava kandidata ovjerena kod nadležnog organa da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u F BiH, odnosno Bosni i Hercegovini,
- Izjava kandidata ovjerena kod nadležnog organa da nije obuhvaćen odredbom člana IX 1. Ustava Bosne i Hercegovine (kao dokaz ispunjavanja općih uslova propisanih članom 24. stav 5) i 6) Zakona o namještenicima u organima državne službe u Federaciji BiH .

Napomena za kandidate:

- Pod radnim stažom podrazumijeva se isključivo radni staž odnosno radno iskustvo u struci nakon stečene srednje školske spreme.
- Sa svim prijavljenim kandidatima koji ispunjavaju sve opće i posebne uslove za navedeno radno mjesto (što dokazuju priloženom dokumentacijom), obaviti će se intervju u vidu usmenog razgovora u toku kojeg će se kandidati detaljnije upoznati sa poslovima pomenutog radnog mjesta.
- Namještenici srednje školske spreme koji imaju navršen radni staž, a nisu položili stručni ispit mogu se prijaviti na oglas i primiti u radni odnos, ali su obavezni položiti stručni ispit najkasnije u roku od 6 (šest) mjeseci od dana prijema u radni odnos u organ državne službe.
- Izabrani kandidati podliježu probnom radu u trajanju od tri mjeseca, što će se posebno regulisati u Rješenju o prijemu u radni odnos na neodređeno radno vrijeme.

Primljeni kandidat će biti dužan dostaviti ljeakarsko uvjerenje o zdravstvenoj sposobnosti prije preuzimanja dužnosti namještenika.

Oglas ostaje otvoren 15 (petnaest) dana od dana objavljivanja, računajući od dana posljednje objave javnog oglasa u 3 dnevna lista koja se distribuiraju na području Federacije Bosne i Hercegovine.

Javni oglas će biti objavljen i na web stranici Zeničko-dobojskog kantona:
<http://www.zdk.ba/javni-pozivi>.

Prijavu sa kratkom biografijom i dokazima o ispunjavanju uslova iz oglasa treba dostaviti lično ili putem pošte preporučeno na protokol Zeničko – dobojskog kantona, na adresu:

Zeničko – dobojski kanton

Ministarstvo za prostorno uređenje, promet i komunikacije i zaštitu okoline

Kantonalni zavod za urbanizam i prostorno uređenje

ul. Kučukovići broj 2, 72 000 Zenica

sa naznakom

„Javni oglas za popunu radnog mjesta namještenika – ne otvarati“.
Nepotpune i neblagovremene prijave neće se uzeti u razmatranje.



Ministar:

Arnel Isak

